

四庫全書

經部

欽定四庫全書

經部

五禮通考卷二百七

詳校官侍郎臣劉躍雲

給事中_臣溫常綬覆勘

總校官進士臣繆琪

校對官中書臣李荃

謄錄監生臣曹希焜

欽定四庫全書

五禮通考卷一百七

刑部尚書秦蕙田撰

嘉禮八十

體國經野

詩商頌玄鳥奄有九有

九有九州也疏言分天下以爲九分皆爲已有故知九有

九州

長發帝命武于九圍

傳九圍九州也疏謂九州爲九圍並以九分天下各爲九處如規

圓然故謂之九圓也

書咸有一德以有九有之師

爾雅釋地兩河間曰冀州

注自東河至西河

河南曰豫州

注自南河

至河西曰豳州

注自西河至黑水

漢南曰荊州

注自漢南至衡山之陽

江

南曰揚州

注自江南至海

濟河間曰兗州

注自河東至濟

濟東曰徐州

注自濟東至海

燕曰幽州

注自易水至北狄

齊曰營州

注自燕東至海此蓋殷制

疏

此釋九州之名及其界域也李巡曰兩河清其氣清厥性相近故曰冀冀近也河南其氣著密厥性安舒故曰豫豫舒也河西其氣蔽壅厥性急凶故曰雍也燕得梁州之地西北之位陽所不及陰壅也漢南其氣燥剛稟

性強梁故曰荊荆強也江南其氣燥動厥性輕揚太康地記云以揚州漸太陽位天氣奮揚履正含文故取名焉李廵曰濟河間其氣專質厥性從謀故曰充充信也淮海間其氣寬舒稟性安徐故曰徐徐舒也營州則青州之地也太康地記云東方少陽其色青其氣清歲之首事之始故以青為名云此蓋殷制者以此文上與禹貢不同下與周禮文異禹九州有青徐梁而無幽并營此夏制也周有青并幽而無徐梁營是周制也此有徐幽營而無青梁并疑是殷制也

漢書地理志殷因於夏無所變改

王氏應麟曰爾雅九州孫炎云此蓋殷制孔氏云孫炎以爾雅之文與禹貢不同於周禮又異故疑為殷

制耳亦無明文言殷改夏也地理志云殷因於夏無所變改陸氏曰禹貢有青徐梁而無并幽營爾雅有徐幽營而無青梁并職方有青幽并而無徐梁營三代不同故也陳氏云商書言九有之師商頌言奄有九有式于九圍王制於商亦言九州千七百七十三國則商之九州蓋亦襲夏而已通典云塗山之會萬國四百年間遞相兼并殷湯受命其能存名三千餘國亦為九州

冀州在兩河之間西則龍門之河東則降水大陸之河降水大陸今冀貝二州

界

胡氏渭曰爾雅之九州有冀幽而無并郭璞以為殷制兩河間曰冀州注云自東河至西河燕曰幽州注云自易水至北狄蓋殷分夏冀州之東北以為幽而正北并州之地仍屬冀視虞之冀則大矣爾雅河南曰豫州漢南曰荊州蓋荊豫二州禹貢以荊山為界爾雅則以漢水為界故郭注豫州云自南河至漢也殷割淮南江北之地以益徐故爾雅云江南曰揚州

蓋視夏之揚為小然其西又得禹貢荊州之地何以知之按導水文漢至大別入江而爾雅云漢南曰荊州蓋漢水之名至大別山而止其曰漢南者謂大別以西漢水之南也荆揚之界當於此分然則殷揚州之境縮於北而贏於西與夏之揚廣狹適相當矣殷有荆而無梁爾雅漢南曰荊州注云自漢南至衡山之陽漢水出嶓冢梁州山也自嶓冢以東至大別凡在漢水之南者皆為荊州然則禹貢梁州之地荆亦

兼之不盡歸於雍自大別以東江南之地為揚所侵而大別以西漢東之地亦皆入於豫荊州之境縮於東北而羸於西南殷因於夏所損益可知也爾雅濟河間曰兗州注云自河東至濟與禹貢同其徐州自濟東至海亦與禹貢同齊曰營州注云自岱東至海邢昺疏云營州即青州地也博物志云營與青同海東有青邱齊有營邱豈是名乎蓋殷改青曰營青地入營未嘗并於徐也林少穎謂爾雅不言青州者青

并於徐也蔡傳取之不知攷矣爾雅濟東曰徐州郭
注云自濟東至海似為禹貢徐州之舊域然堯時揚
州之境跨江北至淮而爾雅云江南曰揚州蓋殷割
淮南江北之地以益徐視堯時之徐則大矣爾雅河
西曰雒州則華山以南不在界中可知殷之雍實小
於禹貢也詳見周職方

詩商頌玄鳥邦畿千里惟民所止

地理通釋商都世紀契始封商在禹貢太華之陽上

洛商是也

括地志商州東八十里商洛縣本商邑古之商國高所封漢弘農郡商縣世本曰契

居番水經注渭水東逕櫟都城北故潘邑契所居闕駟曰蕃鄭西今櫟城世本昭明居砥

石荀子成相云契玄王生昭明居於砥石遷於商

注砥

石地名未詳所在或曰即底柱也至相土乃遷商邱相土徙商邱故陶唐氏之

火正閼伯之所居也春秋傳曰閼伯居商邱祀大火

相土因之故商主大火謂之辰故辰為商星

杜預云今梁國

睢陽宋都括地志宋州城古閼伯之墟即商邱也今應天府宋城縣相土昭明子也

書序湯始

居亳從先王居

史記正義括地志云宋州穀熟縣西南三十五里南亳故城即南亳湯都

也宋州北五十里蒙城為景亳湯所盟地因景山為
名河南偃師為西亳帝嘗及湯所都盤庚亦都之湯
即位居南亳後徙西亳孔安國云帝嘗都亳湯自商
邱遷故從先王居通典曹州考城有北亳亦曰景亳
詩正義皇甫謐云學者咸以亳在河洛之間今河南
偃師西二十里有尸鄉亭是也謐考孟子稱湯居亳
與葛為鄰案地理志葛今梁國寧陵之葛鄉即今拱
州之寧陵寧陵去偃師八百里而使亳衆為耕非其
理也今梁國自有二亳南亳在穀熟即今南京之穀
熟北亳在蒙即今拱州之考城古謂之蒙漢謂之薄
非偃師也殷有三亳二在梁國一在河洛之間穀熟
為南亳即湯都也蒙為北亳即景亳是湯所受命地
偃師為西亳即盤庚所徙也立政曰三亳阪尹是也
鄭康成注立政云三亳者湯舊都之民分為三邑其
長居險故曰阪尹蓋東成皋南轅轅西降谷也是鄭
以三亳為分亳民於三處非三處有亳地也杜預以

景毫為周地河南鞏縣西南有湯亭或說即偃師也
漢書音義臣瓚案湯居毫今濟陰薄縣以經無正文
各為異說地名變易難得而詳林氏曰鄭氏云毫在
河南偃師鄭說可從蓋偃師在河南其地與周洛邑
相近乃四方朝覲貢賦道里取中之地商頌曰古帝
命武湯正域彼四方邦畿千里惟民所止商邑翼翼
四方之極使非河南則頌未必如此周禮疏曰堯治
平陽舜治安邑唯湯居毫得地中通志毫故京兆杜
縣有毫亭是也杜城今在長安南故太史公云禹興
西羌湯起毫也及湯有天下始居宋地復命以毫今
南京穀熟是也書正義契至湯八遷契居商昭明居
砥石相土居商邱湯居毫有此四遷其餘四遷未詳
聞也仲丁遷於囂世紀今河南之敖倉是也史說遷於
地志滎陽故城在鄭州滎澤縣西南十七里殷時敖
地也世紀云仲丁自毫徙都敖周時名北制在敖山

之陽後屬韓

為滎陽縣 河亶甲居相

在河北括地志故殷城在相州內黃縣今屬大名府

東南十三里即河亶甲所築都之故名殷城相州安

陽本盤庚所都即北冢殷墟南去朝歌城百四十六

里竹書紀年盤庚自奄遷於北冢曰殷墟南去鄴四

十里是舊都城西南三十里有洹水南岸三里有安

陽城西有城名殷墟所謂北冢也安陽城即相州外

城水經注洹水逕殷墟項羽與章邯盟於此地類要

安陽縣本殷墟所謂北冢者亶甲城在西北五里四

十步洹水南岸後魏天平四年立相州取河亶甲居

相之義 祖乙圮於耿為河所毀地理志河東皮氏縣

治鄴 祖乙圮於耿耿鄉古耿國括地志絳州龍門

縣東南十二里 史記祖乙遷於邢皇極經世祖乙圮

耿城故耿國 邢州祖乙遷于邢即此地亦邢國也括地志邢國故

城在邢州外城內西南角地理志襄國縣故邢國今

信德府龍岡縣書正義汲冢古文云盤庚自奄遷于殷蓋祖乙圮于耿遷于奄括地志兗州曲阜縣奄國

之地盤庚五遷將治亳殷盤庚遷於殷曰先王不常厥

邑於今五邦馬氏曰五邦謂商邱亳蹕相耿也林氏曰序言五遷自湯至盤庚併數之此言

五邦又言今不承于古則是盤庚之前遷者有五考之前序但有亳蹕相耿之四者併盤庚數之則盤庚

歸亳不應謂之五邦太史公謂祖乙自耿遷邢汲蒙紀年謂祖乙遷奄此與序庚不可據意者更有遷而

史失之皇極經世盤庚五遷復歸于亳改號曰殷三代世表云徙河南世紀盤庚復南居亳之殷地今偃

師是也周氏曰商人稱殷自盤庚始自此以前惟稱商而已自盤庚遷都之後於是殷商魚稱或只稱殷

通志潞水出陽城東至西華汝陽入于潁水與潁水合流古人并謂潁為潞故命以殷焉詩補傳曰殷以

潞水得名潞潞同音古潞水縣今陳州之商水縣也殷商兼商山潞水而言之史記武乙徙

河北

三代世表武丁徙河北世紀武丁徙居朝歌隋改為衛縣隸衛州朝歌故城在縣西二十二里

衛縣熙寧中省為鎮入黎陽戰國策殷紂之國左孟門而右漳釜前帶河後被山史記吳起曰左孟門右太行常山在其北大河經其南括地志紂都朝歌在衛州東北七十三里朝歌故城是也本妹邑武丁始都之世紀云帝乙復濟河北徙朝歌其子紂仍都焉地理志河內本殷之舊都周既滅殷分其畿內為三國詩風邶鄘衛國是也注自紂城而北謂之邶南謂之庸東謂之衛左傳注殷虛朝歌也世紀紂自朝歌北築沙邱臺沙邱在鉅鹿東北七十里括地志在邢州平鄉東北二里史記貨殖傳昔唐人都河東殷人都河內周人都河南夫三河在天

下之中若鼎足王者所更居也

何氏楷曰自契初封商魯連子云在大華之陽皇甫謐云今上雒商是也即今陝西西安府之商州以地有商山故得商名契生昭明遷砥石事見世本其地不知所在昭明生相土遷商邱竹書載夏帝相十五年商侯相土作乘馬遂遷於商丘左傳所云陶唐氏之火正閼伯居商丘相土因之是也唐為宋州宋為睢陽郡在今為河南歸德府商邱縣李本云地稱商丘者其亦因契本封而以名邱與相土生昌若昌若

生曹圉曹圉生冥竹書載夏少康十一年使商侯冥
治河至帝杼十三年商侯冥死於河中間計三十四
年魯語及祭法所謂冥勤其官而水死者冥生振竹
書以為殷侯子亥蓋振名而子亥其字也實始遷殷
計三十七年而為有易之君綿臣所殺國統幾絕振
生微字上甲乃殺綿臣而以殷興仍居殷地是則殷
之遷雖在子亥而昌殷緒以基王業者乃在上甲故
殷人報之也皇甫謐謂微字上甲其母以甲日生故

也商家生子以日為名蓋自微始白虎通亦云殷道
尚質故直以生日名子而譙周則謂死稱廟主曰甲
蓋謂生稱其名死則以其生之名為廟主也于理或
然微生報丁報丁生報乙報乙生報丙報丙生主壬
主壬生主癸主癸生天乙是為成湯竹書載帝孔甲
九年殷侯復歸於商丘上距微殺綿臣之歲凡一百
單三年不知所謂殷侯者何名也自歸商丘之後又
二十五年則為桀在位之十五年實成湯為商侯之

元年於是復自商丘歸於亳書序謂自契至於成湯
八遷湯始居亳從先王居作帝告釐沃今案所謂八
遷者契始居商一也昭明居砥石二也相土居商丘
三也冥離商丘往河治水四也子亥遷殷五也孔甲
之時復歸商丘六也及湯自商丘遷亳不過七遷耳
然古今相傳皆謂偃師穀熟皆湯所都而景亳則湯
會諸侯之處是謂三亳皇甫謐云蒙北亳也穀熟南
亳也偃師西亳也蒙即景亳與穀熟相近果湯曾都

二亳則信有八遷矣然二亳遷居之先後則經傳無
文嚴粲謂湯自南亳遷西亳似為可信蓋三亳中南
亳北亳相去甚近北亳在今商丘北五十里地有景
山故謂之景亳南亳在今商丘東南四十五里竹書
載湯于桀十五年遷亳又書二十八年昆吾氏代商
商會諸侯于景亳實在商封內不然國既被伐何得
越境以會諸侯乎水經注云闕駰曰湯都偃師皇甫
謐以為考之事實學者失之如孟子之言湯居亳與

葛為鄰是即亳與葛比也湯地七十里葛又伯耳封域有限而寧陵去偃師八百里不得童子饋餉而為之耕今梁國自有二亳南亳在穀熟北亳在蒙非偃師也愚謂寧陵與商邱接壤皇甫解湯居亳之義是矣若謂湯未嘗都偃師則又不然以書序從先王居之文觀之先王孔安國以為指帝嚳也今按其書篇名曰帝嚳沃告當是通作嚳釐之言來蓋謂從帝嚳而來居于沃土云耳孔說非謬而水經注言帝嚳

之墟在禹貢豫州河雒間今河南偃師城西二十里
尸鄉亭是也使湯不都偃師何以云從先王居又孔
穎達引中候格予命云天乙在亳東觀在雒鄭元亦
云今河南偃師縣有湯亭地理志又謂尸鄉殷湯所
都然則湯之居偃師明矣偃師乃周名以周武王克
商偃息師徙於此其初名為西亳當是成湯命之湯
之創業實始於此故曰朕哉自亳後雖遷居囂墟而
不忘其所自始故亦呼之為亳耳三亳惟亳為本名

地在商丘故湯有天下尚仍商舊號若景亳則本名
殷地在北蒙特以其近亳故曰景亳又曰北亳當上
甲父子之世所謂遷于殷者即景亳也以竹書證之
自成湯居亳之後歷外丙仲壬太甲沃丁小庚小甲
雍已大戊八君皆仍居亳至仲丁始遷于囂歷外壬
而河亶甲自囂遷于相繼之祖乙元年自相遷于耿
二年圮于耿自耿遷于庇歷祖辛沃甲祖丁皆居庇
及南庚二年遷于奄歷陽甲而盤庚至十四年自奄

遷于北蒙曰殷書盤庚篇所謂先王恪謹天命不常厥邑于今五邦者合囂相耿底奄而言也自相以下疑皆在河北至盤庚始遷河南書所謂惟涉河以民遷者史記惟言仲丁遷隰河亶甲居相祖乙遷邢與竹書小異然要之竹書為覈矣竹書稱北蒙曰殷于此始知殷之所在殷又名北亳故書序言盤庚五遷將治亳殷孔安國謂殷者亳之別名是也而後人皆言盤庚所遷在河南偃師誤矣湯在殷以會諸侯而

不都殷故不更國號盤庚遷都殷實上甲微舊蹟因
而更號曰殷其後歷小辛小乙以及武丁又傳四世
至庚丁皆居殷及庚丁之子武乙始去殷遷河北也
武丁修政行德天下咸驩殷道復興故于斯時追上
甲絕而復續之功而行報祭之禮斯則玄鳥之詩之
所為作故晰乎商殷變更之故則經傳史書若合符
節古人重稽古之力夫豈誣乎

都邑考契始封商今陝西西安府商州相土遷商丘
今河南歸德府附郭商丘縣湯居亳歸德府東南廢

穀熟縣是亦曰南亳府北四十里有大蒙城為北亳
皇甫謐曰湯始興地景山在焉亦曰景亳又河南府
偃師縣曰西亳湯即位居南亳後徙西亳也仲丁遷
囂亦曰教今開封府鄭州滎陽縣河亶甲居相今彰
德府城西北五里洹水南岸有亶甲城祖乙圮于耿
今山西平陽府蒲州河津縣遷于邢今直隸順德府
附郭邢臺縣盤庚遷于殷即西亳也武乙徙朝
歌今直隸大名府濬縣西七十里廢衛縣是

閻氏若璩曰余嘗讀貨殖列傳至唐人都河東殷人
都河內周人都河南夫三河在天下之中若鼎足王
者所更居也不覺歎曰異哉三河皆不出殷家邦畿
之內而世或未知蓋自湯居南亳以後紂居朝歌以
前凡六百四十五年都河南者三焉都河北者四焉
三者何一拓地志南亳故城在宋州穀熟縣西南三
十五里即湯所都者是一滎陽故城在鄭州滎澤縣
西南十七里殷時教地也即仲丁所遷是一亳邑故

城在洛州偃師縣西四十里即盤庚所遷是四者何
一故殷城在相州內黃縣東南十三里即河亶甲所
築而都者是一耿城故耿國在絳州龍門縣東南十
二里祖乙時圮是自祖乙前已為都矣一邢國故城
在邢州外城內西南角即祖乙所遷是一朝歌故城
在衛州東北七十三里本妹邑或曰武乙遷焉或曰
武丁始都者是計南亳在極東耿城在極西相距雖
未二千里要實不止千餘里則殷家之邦畿若是其
遼廓乎余曰以周家鎬京方八百里顏師古云八
六十四為方百里者六十四也雖方六百里顏師古
云六六三十六為方百里者三十六也二都共得方
百里者百故詩云邦畿千里然則周所謂千里乃指
國言豈如今路程之里數乎
竊以周既然殷何獨不爾

右商九有

周禮天官惟王建國辨方正位體國經野

注建立也周公居攝而作

六典之禮謂之周禮營邑于土中七年致政成王使居維邑治天下司徒職曰日至之景尺有五寸謂之地中天地之所合也四時之所交也風雨之所會也陰陽之所和也然則百物阜安乃建王國馬考工匠人建國水地以縣置縣以縣視以景為規識日出之景與日入之景畫參諸日中之景夜考之極星以正朝夕是別四方名語曰太保朝至于洛卜宅厥既得卜則經營太保乃以庶殷攻位于洛汭越五日甲寅位成體猶分也經謂為之里數鄭司農云營國方九里國中九經九緯左祖右社面朝後市野則九夫為井四井為邑之屬是也

夏官量人掌建國之法以分國為九州

疏掌建國之法者以建國當先

知遠近廣長之數也分國為九州謂分諸侯之國為九州

日知錄顧氏矣武曰夏商以後沿上世九州之名各就其疆理所及而分之故每代小有不同周禮量人掌建國之法以分國為九州曰分則不循於其舊可知矣

職方氏掌天下之圖以掌天下之地

東南曰揚州

疏自此以下陳九州之事分為三道先從南方起周改禹貢以徐梁二州合于雍青

分冀州地
以為幽并

易氏按曰禹貢揚州之域東距海北距淮殷人以淮入徐故揚州止謂之江南周人復以入揚循禹之舊胡氏渭曰周揚州澤藪川浸不殊于禹貢特未知與殷制異同何如耳

其山鎮曰會稽其澤藪曰具區其川三江

易氏後曰會稽漢志屬會稽之山陰
縣山在東南二十里今州曰紹興府

欽定義疏三江之目言人人殊曰松江婁江東江者此

吳之一隅曰浙江錢清江剡江者此越之一隅

浦陽江與

剡溪合下流
為曹娥江

皆土人因其支別有三而名之不足當

三江之正揚州之域北跨大江南逾會稽則岷江在
北浙江在南而松江居其中此說無以易矣韋昭分
浦陽與浙為二而浦陽特浙之支耳若禹貢東為北
江東為中江則專就岷江而別之且在揚州之上流

要非職方所指也

歸氏有光曰古今論三江者班固章昭桑欽之說近之但固以蕪湖東至陽羨入海昭分錢塘江浦陽江為二桑欽謂南江自牛渚上桐水過安吉歷長瀆為不習地勢程大昌辨之詳矣然孔安國蘇軾所論亦未必然也今從郭璞以岷江浙江松江為三江蓋自揚州斜轉東南揚子江吳松江錢塘江三處入海而皆以江名其為三江無疑直學邊實修崑山志言大海自西泖分南北由轉斜而西朱陳沙謂之揚子江口由徘徊頭而北黃魚標謂之吳松江口浮子門而上謂之錢塘江口以此驗之禹迹無改

蕙田案郭璞三江之說先儒多未敢從之因

浙江松江不見禹貢為疑但周禮職方與禹

貢不同故並存焉

其浸五湖

注浸可以為陂灌溉者

欽定義疏張勃陸龜蒙輩皆謂五湖即太湖或云以周行五百里故名或云上稟咸池五車之氣或云環湖隨地異稱有菱湖莫湖游湖貢湖胥湖之別若然則經既言澤數具區不必更言其浸五湖矣且揚州地域遼闊湖浸繁多胡舍其可紀者而必復舉具區之一以當二乎是則具區縱有五湖之名而必非職方

之五湖也虞翻曰潏湖洮湖射湖貴湖及太湖為五
韋昭曰胥湖蠡湖洮湖潏湖就太湖而五李圖以彭
蠡巢湖鑑湖洞庭并太湖而五柯山以射陽湖丹陽
湖彭蠡湖青草湖并太湖而五洞庭青草當屬荊州
非揚域也大抵楚州之射陽洪州之彭蠡巢縣之巢
湖暨洮潏鑑等皆為南方之浸或當數其尤大之五
者而具區既列澤藪則不復數之與 每州澤藪一
舉其尤大者以表之猶山之有鎮也川與浸則或二

或三或五以包其餘山一而川澤多者舟楫灌溉之
利其用廣也

正南曰荊州

易氏祓曰禹貢荊及衡陽惟荊州其北境曰漢南以地理志考之荊山在南郡臨沮縣漢水又在其北正屬襄陽言漢南則跨荊山之北至周復以荊門之北屬豫州復禹封域

其山鎮曰衡山其澤數曰雲夢其川江漢其浸潁潁注

出陽城宜屬豫州在此非也湛未聞疏據地理志合在豫州又昭元年左傳王使劉定公勢趙孟于潁亦在

豫州

易氏祓曰襄十六年左傳楚公子格帥師及晉師戰于湛阪杜注襄城昆陽縣北有湛水東入海案地志襄城即今汝州之襄城縣昆陽故城在今汝州之葉縣皆古豫州之地經以為荊州之浸必有脫誤處黃氏度曰鄭氏言潁宜屬豫州據禹貢也然周人畫地或有所更革湛水酈道元水經注出犇縣魚齒山西北東南流歷魚山下為湛浦注云未聞鍊也案今汝州魯山縣即漢之犇縣魚齒山在龍興縣連接梁縣是則周荊州界自隨巴唐鄧東北至汝潁與豫州分界而荆牧治宛宣王封申伯

胡氏渭曰周禮正南曰荊州衡山雲夢江漢皆禹貢荊州之山水唯其浸潁湛則有可疑鄭云潁出陽城宜屬豫州在此非也湛未聞今按漢志潁水出潁川

陽城縣陽乾山至下蔡入淮湛水見杜預左傳注襄
十六年晉楚戰于湛阪注云襄城昆陽縣北有湛水
東入汝水經注湛水出犇縣北魚齒山東南流歷山
下為湛浦春秋襄公十六年晉伐楚楚公子格及晉
師戰于湛陂楚師敗績遂侵方城之外今水北山有
長阪蓋即湛水以名阪故有湛阪之名湛水又東南
逕昆陽縣浦城北而東入汝杜預亦以是水為湛水
周禮荊州其浸潁湛鄭元云未聞蓋偶有不照也今

考地則不乖其土言水則有符經文矣然湛與潁實皆在河南淮北之地若割以屬荆則斗入豫域七八百里畧似後世郡國犬牙相制之形非帝王分疆建牧之意潁湛二字或古文傳寫譌誤如兗州盧維之類未可知也

河南曰豫州其山鎮曰華山

易氏祓曰禹貢荆河豫州其封在大河之南南條荆山之北故曰荆河殷之豫州則南境距漢北境接河故曰河南周人于豫亦曰河南而南境則仍禹貢之舊

其澤藪曰圃田

注圃田
在中牟

易氏祓曰圃田澤漢志在河南郡中牟縣西唐
以縣屬鄭州今屬開封府圃田澤一名原圃

其川滎雒其浸波澨

注波讀為播禹貢滎波既豬春秋
傳楚子除道梁澨營軍臨隨則澨

宜屬荊州
在此非也

胡氏渭曰周禮河南曰豫州其山鎮曰華山其澤藪

曰圃田其川滎雒其浸波澨華山圃田滎雒皆在禹

貢豫州之域唯波澨可疑鄭注云波讀為播禹貢曰

滎播既豬春秋傳曰楚子除道梁澨營軍臨隨則澨

宜屬荊州在此非也今案滎即滎澤至周而已道為

川故曰其川波則別是一水非滎播也水經渚水注

云波水出霍陽西川大嶺東谷俗謂之歇馬嶺

霍陽故縣

在今汝州東南

二十里霍山下

即應劭所謂孤山波水所出也馬融

廣成頌曰浸以波差其水南逕蠻城下又南分三川

於白亭東而俱南入渚水渚水自下兼波水之通稱

也蓋洛別百谷之外又有此波水道元以為豫州之

浸浸可以為陂灌溉者也章懷注馬融傳云波水出

在汝州魯山縣西北汝州今屬河南州西四十里廣
成澤一名黃陂周百里有灌溉之利後漢於其地置
廣成苑為遊獵之所澤水出狼臯山東南流合溫泉
水波水自西來注之又東南合渙水入汝此即波澁
之波也馬融精於周官其頌廣成明言浸以波澁鄭
違其義非是禹貢之滎波自當作播職方之波澁當
讀如字不可牽合澁水杜預云在義陽厥縣西東南
入鄖水經注澁水出隨縣西北黃山南經澱水縣西

又東南逕隨縣故城西春秋莊公四年楚武王伐隨除道梁澁謂此水也又南流注于湏澁水流短湏水出蔡陽縣大洪山一名清發水東南逕隨縣至安陸入于沔澁既合湏自下可以通稱經所謂澁蓋即湏也豫州南界至漢殷時已然周人因之呂氏春秋云河漢之間曰豫州澁水在漢北其為豫浸又何疑焉

正東曰青州

胡氏渭曰周禮正東曰青州其疆域與禹貢大異鄭

注云青州則徐州地也蓋以其山鎮曰沂山其川淮
泗其浸沂沭知之禹貢曰海岱及淮惟徐州又曰淮
沂其又又曰浮于淮泗是知徐并于青也賈疏云周
之青州於禹貢侵豫州之地蓋以其澤藪望諸知之
望諸即孟豬禹貢于豫州曰導菏澤被孟豬是知侵
豫之地也疏又云周時幽州南侵豫州之地蓋以其
澤藪曰獫狁養知之地理志琅邪長廣縣西有奚養澤
琅邪郡屬徐州是知侵徐之地也渭案長廣故城在

今登州府萊陽縣東漢屬徐州實古青州域幽之所
侵乃青地非徐地也不但此也其川河濟其浸菑時
皆青地為幽所侵而賈不言何其疎也蓋今青登萊
三府之地在青域者周時皆割入幽其西又為兗所
侵而損豫之東南境以益之徐則岱山大野皆入于
兗是青亦不全得徐也鄭云青州即徐州亦言其大
畧而已

又曰周禮正東曰青州禹貢徐州之山水皆在焉蓋

以徐為青青地大半入幽而徐之西則又入于兗云
呂氏春秋泗上曰徐州鄭漁仲釋之曰泗水出陪尾
山至下邳入淮源皆在徐州非若淮之與揚共濟之
與兗共也故不韋亦得以為說焉

其山鎮曰沂山

注沂山沂水所出也在蓋疏沂水出沂山水乃取名于山地理志沂水出今

泰山郡
蓋縣

易氏跋曰唐沂州沂水縣本漢東莞縣屬琅邪郡沂山在縣北一百二十四里

欽定義疏漢志沂水出泰山郡蓋縣唐志沂州沂水縣

有沂山實一山也延亘兩地耳在今山東青州府臨

朐縣南百五十里

其澤藪曰望諸

注望諸明都也在睢陽疏案禹貢導

樂春秋宋藪澤有孟諸明都即孟諸也

易氏從曰孟諸澤唐志在宋州虞城縣西北十里漢屬沛郡今屬南京應天府孟諸俗號盟諸故書謂之

孟諸周官謂之望諸漢志謂之孟都史記謂之明都其實一也

其川淮泗

疏案禹貢海岱及淮惟徐州又云淮沂其乂此在青州者周以禹貢徐州地為青故也又

禹貢淮出桐柏泗水在魯國出濟陰乘氏東又至睢陵入淮行千二百一十里江河淮泗漢洛等注不釋所出

者以禹貢有成文如導洛自熊耳導淮自鳥鼠導河自積石導江自岷山導淮自桐柏導漢自嶓冢是也

欽定義疏淮水發源河南南陽府桐柏縣桐柏山東流至光州固始潁上懷遠五河泗州盱眙入洪澤河出淮安府清河縣之清口與黃河會東則刷黃河以入海南則入運河以濟漕歷揚州府之寶應縣高郵州抵江都縣入揚子江案江淮本未通春秋時吳伐齊於廣陵城東南築邳城城下掘深溝謂之邳江東北通射陽湖而北至末口屬淮此溝通江淮之故道也

至晉永和中江都水斷乃於歐陽埭

在江都縣西南

引江至

廣陵城而北出白馬湖合中瀆以至淮謂之山陽瀆
隋時又開廣之以通戰艦明初陳瑄循故瀆開新運
河以通漕即今之運道也泗水出山東兗州府泗水
縣東五十里陪尾山四源並發故名西南流至兗州
府城東金口壩分為二派一越壩西南流至濟寧州
界為泗河又西南至魯橋入運河一從壩上西流至
兗州府城西為府河又西南至濟寧州東合洸水又

西南至天井牖入運河

其浸沂沭

注沭出東莞莞屬琅琊南至下邳入泗

蔡氏沈曰沂水地志云出泰山郡蓋縣艾山今沂州沂水縣也

易氏後曰沂水漢志在泰山郡蓋縣南至下邳入泗蓋縣在唐及今皆兗州之境下邳唐屬泗州今為淮揚軍沂水經下邳為二一於城北西南入泗一經城東亦注泗謂之小沂水沭水漢志在琅琊郡東莞縣南至下邳入泗案唐志沂州沂水縣本漢東莞縣地沭水所出東南至泗州下邳縣又東北至泗州連水縣今為連水軍至此與泗水合而入淮

欽定義疏沂水出山東沂州府沂水縣西北一百七十

里雕崖山

鄭康成云沂水出沂山或云臨樂山鄆道元云沂水出文山蓋雕崖臨樂文山皆沂

山支阜之異名也

接蒙陰縣界南流至江南淮安府宿遷縣

北匯為駱馬湖又南入運河沭水縣北大弁山東南流逕莒州蘭山郟城界至江南沭陽縣逕桑漚湖為漣水

河東曰兗州其山鎮曰岱山其澤數曰大野其川河濟胡氏渭曰爾雅濟河間曰兗州注云自河東至濟周禮河東曰兗州而賈疏以為侵禹貢青徐之地者蓋

以其山鎮為岱山其澤藪曰大野知之殷之兗州自
河東至濟與禹貢同其徐州自濟東至海亦與禹貢
同而周則言河不言濟蓋其境越濟而東得岱矣岱
南為徐岱北為青徐州曰大野既豬是知侵禹貢青
徐之地也充界跨濟唯周制有然以言乎禹貢之充
州則悖矣

其浸盧維

注盧維當為雷雍之誤也禹貢雷夏既澤雍沮會同雷夏在城陽疏禹貢及地理志無

盧維又字類雷雍故從之

易氏被曰注盧維當為雷雍蓋以濮州雷澤縣雷夏澤在其北又灘沮二水源俱出雷夏澤正兗州之境也

欽定義疏雷夏今山東曹州府濮州東南有雷澤接荷澤縣界水經注云雷澤在大城陽故城西北十餘里其陂東西二十餘里南北十五里即舜所漁也元和志灘水沮水俱出濮州雷澤縣西北平地去縣四十里九域志濮州有沮溝即禹貢灘沮會同是也宋時河決曹濮間灘沮之源適當其衝久而泥滓填淤二

水遂涸蔡氏沈以汧睢當之非是韓汝節云汧睢在
豫徐之境無預于兗州而兗自有濰沮也

顏師古曰盧水在濟北盧縣康成讀為雷非也唐以

盧縣屬鄆州今廢入陽穀

今濟南府長清縣西有廢盧縣

蔡氏沈曰濰水地志云出琅邪郡箕縣今密州莒縣

案莒縣今沂州府莒州

東北濰山北至都昌入海今濰州昌邑

也
案濰州今濰縣屬萊州府

黃氏度曰濰水出密州莒縣濰山北至濰州昌邑縣

入海盧水水經注出密州諸城縣盧山即久台水也
西北入濰

欽定義疏案康成以盧維為雷雍解自明白師古以縣
水當之而黃氏度又謂即久台水久台水下流入濰
水水經注謂之盧水較師古說又似易曉然究地之
浸俱在青州何也 濰水出今山東沂州西北九十
里箕屋山即濰山也土人名為淮河

淮即濰字通作
維惟並見漢書

地理志其淮沂
淮從佳與此異

東流逕諸城縣西折而北至萊州府

昌邑縣東北五十里入海

正西曰雍州其山鎮曰嶽山

易氏祓曰禹貢有雍有梁故梁為正西而雍為西北殷周皆省梁入雍故雍州為正西

胡氏渭曰爾雅河西曰雍州注云自西河至黑水疏引李巡云兼得梁州之地周禮正西曰雍州疏云周之雍豫於禹貢兼梁州之地案梁併于雍說本漢志然雍州西北二邊世有戎翟之患自夏桀時畎夷入居邠岐之間成湯既興伐而攘之及殷室中衰諸夷

皆叛至于武丁征西戎鬼方三年乃克故其詩曰昔
有成湯自彼氐羗莫敢不來享莫敢不來王言武丁
能繼湯之烈也及武乙暴虐犬戎寇邊周古公踰梁
山而避于岐下及太丁之時季歷伐燕京之戎戎人
大敗周師文王為西伯西有昆夷之患北有獫狁之
難遂攘戎翟而戍之莫不賓服厲王無道戎狄寇掠
乃入犬丘殺秦仲之族宣王承厲王之後獫狁孔熾
整居焦獲侵鎬及方至于涇陽雍州之域為戎翟所

侵陵如此則其疆場未必能悉如禹貢梁州之山水
無一入職方者故杜氏言梁州當夏殷之間為蠻夷
之國蓋即牧誓所稱庸蜀盧彭等是也雍之併梁亦
虛名耳今據周禮言之正東曰青州其南則有揚其
北則有幽而西則不然目雍州以正西其西北西南
兩隅皆缺焉然則梁地為羈縻之國固不待言而雍
之西境如西傾積石豬野流沙三危黑水之區皆沒
於戎翟禹貢之舊蹟不可復問矣爾雅目雒州以河

西則華山以南不在界中可知其西北亦當虧損殷周之雍實小於禹貢或因併梁之說而反以為大此耳食之學未可與道古也 殷有徐而無青營即青也周有青而無徐青即徐也青徐二州迭為有無獨梁則二代皆無之其故何也余按武王伐紂誓於牧野諸侯會師者稱之曰友邦冢君而庸蜀羌髳微盧彭濮八國則稱之曰人不以諸侯待之傳曰八國皆蠻夷戎狄屬文王者正義曰此皆西南夷也通典曰

梁州當夏殷之間為蠻夷之國所謂巴賁彭濮之人
由是觀之殷周之世梁地大半變於夷故此州遂廢
先儒多言梁併於雍唯賈公彥云雍豫皆兼梁地而
林少穎又云江漢發源梁州而職方為荊州川則荆
亦兼梁地此言尤為精彩蓋殷周之荊豫皆以漢水
為界梁州之地自嶓冢以東分屬荆揚而嶓冢以西
則雍兼之其地皆為蠻夷雖併於雍而禹貢梁州之
山川無一入職方者大抵如唐宋之羈縻州元明以

來之土司簡其政令寬其賦歛以柔擾之使為不侵
不叛之臣而已建州設牧非其所宜故終殷周之世
梁州不復置也

其澤藪曰弦蒲

注弦蒲在沂 疏案地理志吳嶽山在
沂縣西有弦蒲之藪沂水出焉西北入

渭

易氏拔曰弦蒲漢志扶風沂縣北有蒲谷
鄉弦中谷雍州藪也今屬隴州沂源縣

其川涇汭

注涇出涇陽汭在臨邛詩
大雅公劉篇汭陶之即

蔡氏沈曰涇水地志出安定郡涇陽縣西今原州百
泉縣峽頭山也東南至馮翊陽陵縣入渭今高陵縣

也。汭水地志作芮扶風汭縣弦蒲藪芮水出其西北東入涇今隴州汭源縣弦蒲藪有汭水焉。

易氏跋曰涇水漢志安定郡涇陽縣開頭山在其西涇水所出唐以涇陽縣為平涼屬原州今屬渭州又東南流至涇州臨涇保定二縣又東南至邠州之宜祿新平永壽三縣又東北流至京兆府之醴泉高陵雲陽三縣以入渭汭水者非禹貢所謂芮也禹貢言芮渭水之北此汭則雍州之川名漢志出右扶風汭縣之西北東流入涇此正公劉居豳之地詩所謂芮鞠之即也徐廣曰古豳城在邠州東北二十九里三水縣界唐志涇州臨涇縣有汭水西自隴州華亭縣流入一名宜祿川涇隴二州在邠州之西則非即邠州之汭然要皆雍州之川也。

欽定義疏涇水出陝西平涼府平涼縣西南斧頭山亦

名崆峒山東至西安府高陵縣西南入渭汭水出平涼府華亭縣有二源北源出湫頭山之朝那湫南源出齊山至縣東與北河合又東至涇州西北入涇

其浸渭洛

注洛出懷德疏洛即詩瞻彼洛矣之洛與禹貢導洛自熊耳者別

蔡氏沈曰渭水地志出隴西郡首陽縣西南今渭州渭源縣烏鼠山西北南谷山也東至京兆船司空縣入河今華州華陰縣也

易氏祓曰渭水漢志出隴西郡首陽縣西南之烏鼠同穴山唐省首陽入渭源今置渭源堡屬熙州渭水有三源正東微南流至州之襄武縣又東流至鞏川之隴西縣又東流至秦州上邽縣又東流至隴州南

田縣今省入吳山又東流至鳳翔府岐山縣又東流至京兆府萬年縣又東流至華州華陰縣東北入于河謂之渭口禹貢所謂汭是也洛水別是雍州一浸非禹貢導洛自熊耳之洛

欽定義疏康成注洛出懷德本漢志其實北地郡之歸德縣乃洛水上源漢志所謂洛水出北蠻夷中入河是也漢志於歸德但曰洛水於懷德曰雍州浸原是也一水歸德其源懷德其委耳入河即謂入渭也關中諸水自西而東者莫大于渭自南而北者莫大於洛易氏因鄭注而疑出慶州洛源者之別為一水非也

漢歸德縣唐宋之洛源縣其下流曰洛川縣曰洛交縣皆因此水得名洛源今合水縣也

東北曰幽州

易氏祓曰舜十二州本有幽州水土既平因冀為帝都省幽入冀殷人南都河南之亳復舜幽州之名周人又以幽州兼殷之營州實禹貢青州隔海東北之境故曰東北

其山鎮曰醫無閭

注醫無閭在遼東

易氏祓曰醫無閭漢志在遼東郡無慮縣

無慮即醫無閭在今

錦州府廣寧縣北

其澤藪曰獫狁

注獫狁在長廣杜子春讀獫為奚疏長廣縣名地理志長廣屬徐州琅邪郡

有萊山周時幽州南侵徐州之地也

易氏注曰獫狁漢志在琅邪郡長廣縣西幽州藪唐萊州昌陽本漢縣屬東萊郡今為萊陽縣獫狁澤在縣東北四十里蓋澤介乎東萊琅邪兩郡之間

其川河沛

易氏注曰經于兗州言其川河沛蓋兗州北距河而南據沛禹貢言濟河惟兗州則為兗州之川宜也幽州遠在東北於河沛何與蓋幽州雖跨有遼水為東北而實西南越海兼有青州之東北境所以琅邪郡之獫狁澤泰山郡之淄水千乘郡之時水皆幽州之域光武十三年以遼東屬青州二十四年還屬幽州

是幽州實可以有青州王瓚張揖云九河陷海中是九河未陷之前凡登萊海峽及濱滄二州之東境皆在幽州之地與兗州東西分界故其州同列河沂

其浸菑時

注菑出萊蕪時出般陽

蔡氏沈曰淄水地志云出泰山郡萊蕪縣原山今淄

州淄川縣

淄州縣今屬濟南府

東南七十里原山也東至博昌

縣入濟今青州壽光縣也

黃氏度曰淄水出淄州淄川縣原山北至博興縣入濟時水在臨淄縣齊城西平地出泉南北至二十五里亦謂之源水東北至千乘縣入淄

易氏祓曰淄水漢志出泰山郡萊蕪縣原山至博昌入泲幽州浸攷輿地記則襲慶府萊蕪縣有原山淄水所出其地即漢之泰山郡東北流入淄川縣漢萊蕪故城在其東北過臨淄縣東又東北入于海與漢志入泲不同者蓋入泲乃禹迹之舊自泲之上流既涸故淄水入海時水在今青州臨淄縣本漢千乘郡之地漢志千乘郡博昌縣有時水東北至鉅定縣入馬車漬幽州浸

欽定義疏淄水出青州府益都縣西南顏神鎮東南二十五里岳陽山即原山也其山接濟南府章邱淄川泰安府萊蕪三縣淄水出於山之東谷東北流至青州府壽光縣北由清水泊入海時出般陽漢地理志

濟南郡般陽縣不言時水出而千乘郡博昌縣言時水東北至鉅定入馬車瀆志言其委耳今山東通志時水即烏河出青州府臨淄縣西南槐樹村北流受瀆水系水逕新城縣之索鎮口東南入博興縣界下注麻大泊

河內曰冀州

易氏祓曰舜時十有二州有幽有并有冀水土既平之後以冀為帝都省幽并入焉以餘州準之則知禹貢冀州東西南三面距河而北境則越乎常山今之燕雲營平諸州皆其地也殷人以冀州北境復舜之

幽州而東南皆禹跡之舊蓋東河之西西河之東
南河之北也故曰兩河間周人又分冀而復舜之并
州故曰河
內而已

其山鎮曰霍山

注霍山在虢疏屬王流於
虢後為縣名漢改為永安縣

易氏後曰霍山漢志霍太山在河東郡絳縣東唐及
今晉州霍邑太漢虢縣霍山一名太岳在縣東三十
里

欽定義疏霍山一名霍太山亦名太岳今為中鎮在山
西平陽府霍州東三十里山周二百餘里南接岳陽
趙城二縣北接靈石縣東接沁源縣界

其澤數曰楊紆

注楊紆所在未聞

其川漳其浸汾潞

注汾出汾陽潞出歸德疏汾陽歸德縣名

蔡氏沈曰汾水出于太原經于太岳東入于河

易氏後曰汾水漢志出太原郡汾陽縣北山西南至汾陰入河冀州浸攷唐嵐州靜樂縣今屬澤州即漢汾陽縣之地汾水東南流入太原府之交城陽曲太原清源文水五縣又東南流至汾州之溫城介休靈石汾西四縣又東南流入晉州之霍邑趙城洪洞臨汾四縣又東南流至絳州之正平積山龍平三縣又南流至河中府之寶鼎縣北入于河唐潞州潞城縣本漢潞縣屬上黨郡漳水一名潞水在縣北關駟曰潞水在縣北為冀州浸即漳也蓋周以濁漳為潞清漳為漳

黃氏度曰鄭注潞水出歸德今慶州華池縣無潞水杜佑曰潞出密雲郡密雲縣密雲今檀州水經鮑邱水從塞外來經密雲戍過幽州潞縣西鄴道元曰鮑之潞也是在幽界非冀浸矣鄴道元謂他川無可為浸者巨浪長湍惟漳水耳又案今潞城縣為春秋亦狄潞子嬰兒之國是則潞之得名已久

漳水至潞為浸可以灌溉或以是也

欽定義疏潞水有二其一即濁漳乃一水而二名闕駟

謂潞水即漳水今潞安府潞城縣因水得名者也其一自塞外經密雲至天津入海者即今京東之北運河名為白河亦曰潞河杜佑通典所指也諸儒皆以

濁漳當之則一水而既謂之川復謂之浸豈其流者
謂之川而渚者謂之浸與又漢時兩歸德縣一屬汝
南一屬北地皆與河內冀州無涉漢志於北地郡歸
德縣言洛水出非潞水也以康成之精博寧當以洛
水為潞水平顏師古注漢書亦依鄭說不可曉也北
地歸德今慶陽府東北雍州之域豈可以言冀州邪
易氏黃氏以濁漳為潞正在冀州之地但川與浸同
是一水可疑耳

正北曰并州

易氏祓曰舜時有并州禹貢以并入冀殷因之周復分冀立并州以天下之勢言之冀州在河西之東雍州在河西之西而并州之北故曰正北

其山鎮曰恒山

注恒山在上曲陽

易氏祓曰恒山一名常山漢志恒山郡上曲陽縣恒山北谷在西北并州山按唐定州恒陽縣有北嶽今改州為中山府縣為曲陽即漢之舊也

蕙田案恒山詳見前

其澤藪曰昭餘祁

注昭餘祁在鄆

黃氏度曰昭餘祁在汾州介休縣水經注汾水於大陵縣左逕為鄆澤地理志太原郡鄆縣九澤在北是為昭餘祁并州藪也呂氏春秋謂之大昭又侯甲水逕大谷謂之大谷水經祁縣故城南自縣連延西接鄆澤是謂祁藪樂史寰宇記昭餘祁俗名鄆城泊祁屬太原漢故縣也昭餘祁在今山西太原府祁縣東里七

其川庫池嘔夷

注庫池出鹵城嘔夷祁夷與出平舒

易氏祓曰庫池河漢志代郡鹵城縣庫池河東至參合入庫別從河東至文安入海并州川其河自雁門縣西南流入崞與唐林二縣又西南流至忻州秀容縣又西南流入定襄縣又南流至太原府之孟縣又東流至恒州之靈壽真定九門紫城鼓城五縣又東流至定州之無極縣又東流入深州之饒陽鹿城安

平三縣又東南流入瀛州之高陽河間二縣又東流入莫州之唐興及莫縣以至任邱文安即漢志所謂至文安入海者也嘔夷鄭注疑即祁夷出平舒攷漢志代郡平舒縣有祁夷水北至桑乾入沽唐蔚州興唐縣本代郡地嘔夷一名涇水出縣西北之高氏山東北流至興唐縣又東流至瀛州之博野東入于河

欽定義疏虓池水在今山西代州繁時縣東北泰戲山至直隸天津府靜海縣小直沽入海嘔夷水在今大同府蔚州靈丘縣西北高氏山一名唐河至直隸保定府安州北合於易水又案鄭注疑嘔夷為祁夷酈道元注水經以嘔夷即涇水師古注漢書則以并

州之川為沔與鄭注不同據水經注沔水出代郡靈丘縣高氏山至長城入于易祁夷水出平舒縣至桑乾縣入濕水則祁夷之流短于沔不足槩一州之川似當以道元師古二說為是但鄭說未必無據並存之

其浸涑易

注涑出廣昌易出故安

易氏祓曰涑水漢志代郡廣昌縣涑水東南至容城入河并州浸案唐蔚州飛狐縣即漢廣昌縣地有飛狐口涑水所出東南流至易州易縣又東北流至涑水縣又南流入容城縣即漢志所謂東至容城入河

者也易水漢志易水出涿郡故安縣閭鄉東至范陽入濡并州浸此言易出故安則近幽州之境按唐蔚州飛狐縣周屬并自縣北入徧州之懷戎即古飛狐口易水所出東南流至易州易縣至北方是漢涿郡故安縣之地又東流至涿州之歸義縣又東北流入涿州范陽縣之南界即漢志所謂至范陽入涿是也黃氏度曰易水有三皆出易州易縣寰宇記北易一名安國河出縣西北窮獨山水經注所謂濡水也中易出閭鄉城寬中谷東南流至古易京城與北易合流入巨馬河水經注易水與濡水互攝通稱南易出縣東南即山燕王仙臺東石虎置東流與電河會又東至霸州客城縣南流入高陽縣合涇水水經注又云易水至文安縣與虜池合班固關駟皆以此為南易文安今霸州縣并之極東界

欽定義疏涿水即拒馬河發源直隸易州廣昌縣流入

紫荊關過易州西北界至房山縣境分為二支一東
流涿州經固安縣東南入桑乾河一南流涑山縣經
定興新城入白溝河易水在易州南三十里發源易
州寬中谷流至定興縣北河村合拒馬河入白溝河
地理通釋周九州揚荊豫青兗雍幽冀并鄭氏注揚
荊豫兗雍冀與禹貢略同青州則徐州地也幽州則
青冀之北也無徐梁晉地理志云成王時改作禹貢
徐梁入于青雍冀野析于幽并王氏云九州之序禹

貢始於冀次以兗而終於雍職方氏則始於揚次以
荆而終於并者蓋禹貢言治水之序也職方言遠近
之序也治水則自帝都而始然後順水性所便自下
而上故由兗至雍而止也以遠近言之則周之化自
北而南為遠故關雎鵲巢之詩分為二南漢廣亦言
文王之道被于南國德化之所及以遠為至也始於
揚則以揚在東南次以荆則以荆在正南終于并州
以并在正北先遠而後近也左傳王使詹桓伯辭於

晉曰我自夏以后稷魏駘芮岐畢我西土也及武王克商蒲姑商奄吾東土也巴濮楚鄧吾南土也肅慎燕毫吾北土也漢賈捐之曰武丁成王殷周之大仁也然地東不過江黃西不過氐羗南不過蠻荆北不過朔方

爾雅釋地魯有大野

注今高平鉅野縣東北大澤是也疏此下至周有焦護釋十

數之名也禹貢徐州云大野既豬

晉有大陸

注今鉅鹿北廣河澤是也疏禹貢冀州云大

陸既作是也

秦有楊陁

注今在扶風汧縣西疏周禮冀州云其澤藪曰楊陁鄭注云所在

未聞又雍州云其澤藪曰弦蒲鄭注云在沂
今注亦云在沂然則周禮弦蒲即此楊陟也宋有孟

諸

注今在梁國睢陽縣東北疏周禮青州其澤藪
曰望諸鄭注云望諸明都也禹貢豫州導荷澤被

孟豬左傳
亦作孟諸

楚有雲夢

注今南郡華容縣東南巴丘湖
是也疏周禮荊州云其澤藪

曰雲夢禹貢云雲土夢作乂昭三年左傳楚子與鄭
伯田於江南之夢定四年楚子涉睢濟江入于雲中
雲夢一澤而每處有名者司馬相如子虛賦云雲夢
者方九百里則此澤跨江南北亦得單稱雲單稱夢

吳越之間有具區

注今吳縣南太湖即震澤是也
疏周禮揚州云其澤藪曰具區禹

貢揚州云三江既
入震澤底定是也

齊有海隅

注海濱
廣斥

燕有昭余祁

注今

太原鄆陵縣九澤是也
周禮并州其澤藪曰昭余祁

疏

鄭有圃田

注今滎陽中
牟縣西圃田

欽定四庫全書

卷二百七

澤是也疏周禮豫州云其澤藪曰圃田舊三十三年左傳云鄭之有原圃猶秦之有具圃也周有

焦護

注今扶風池陽縣中是也疏詩六月云獫狁匪茹整居焦護是也

陳氏曰九州山川澤藪各在職方不入諸侯之版觀詩不以圃田繫鄭春秋不以沙麓繫晉略可觀矣周季諸侯始擅不盼之利齊幹山海而桃林之塞郇瑕之地晉實私之此諸侯所以僭侈王室所以衰微也

詩大雅生民即有郇家室

傳堯見天因郇而生后稷故國后稷于郇箋堯改封于

郇就其成國之家室無變更也疏世本云有郇氏女曰姜嫄故知郇是姜嫄之國也傳以此言封之于郇下言祭天之事故解其意云堯見天因郇而生后稷謂使郇國之女生后稷也故國后稷于郇謂封為郇國之君后稷以前未有國于此始封之也此郇為后稷之母家其國當自有君所以得封后稷者或時君絕滅或遷之

他所也

公劉篤公劉匪居匪康廼場廼疆廼積廼倉廼裹餼糧

于橐于囊思輯用光弓矢斯張干戈戚揚爰方啟行

公傳

劉居于郃而遭夏人亂迫逐公劉公劉乃避中國之難
遂平西戎而遷其民邑於豳焉蓋諸侯之從者十有八
國

度其夕陽豳居允荒

傳山西曰夕陽荒大也
者豳之所處也

疏夕陽者總言

豳人一國之所處也其界在山之西不知是何山也譜
云豳在岐山之北書傳說太王去豳踰梁山註云梁山
在岐山東北然則豳國之
東有大山者其唯梁山乎

篤公劉于豳斯館

傳館舍也

縣縣縣瓜徙民之初生自土沮漆

傳興也縣縣不絕貌民周民也沮水漆水

也箋喻后稷乃帝嚳之胄封于郃其後公劉失職遷于豳居沮漆之地至太王而德益盛故本周之興云于

沮漆也疏鄭于生民之箋以姜嫄為高辛氏世妃而生后稷經云即有郃家室周本紀云舜封棄于郃號曰

后稷是稷為帝嚳之胄封于郃也公劉云篤公劉于豳斯館是公劉失職遷于豳也周語云昔我先王后稷以

服事虞夏及夏之衰也棄稷不務我先王不窋用失其官而自竄于豳狄之間韋昭云不窋失官去夏而遷于

豳豳西近我北近狄然則失職遷豳自不窋始矣言公劉遷豳者案公劉之蒨說公劉避亂適豳其言甚詳不

可得而改而外傳史記皆言不窋奔于豳狄蓋不窋之時已嘗失官逃竄豳也猶尚往來郃國未即定居于豳

公劉者不密之孫至公劉而盡以邠民遷往居焉幽
有漆沮之水故言居漆沮之地公劉以下常居沮漆古

公亶父陶復陶穴未有家室

古公亶父來朝走馬率西水滸至于岐下爰及姜女事

來胥宇

傳率循也滸水厓也胥相宇居也變循西水厓沮漆水側也疏古公避狄之難其來以早

朝之時疾走其馬循西方冰厓沮之側東行而至于岐山之下

文王有聲文王受命有此武功既伐于崇作邑于豐變作

邑者徙都于豐以應天命

考卜維王宅是鎬京維龜正之武王成之

疏此章言武王之事而并

言文王作邑于其傍者以二邑皆在豐傍舉豐而言可以并及文王欲連言之帝王世紀云豐鎬皆在長安之西南言豐邑在豐水之西鎬京在豐水之東以時驗而知之

文王周雖舊邦其命維新

箋太王聿來胥宇而國于周王迹起矣而未有天命至文

王而受命

閻氏若璩曰周雖舊邦鄭箋云太王聿來胥宇而國于周周字貼太王不若詩集傳以周受封始自后稷為真舊左傳我自夏以后稷魏駘芮岐畢吾西土也言受此五國世為西土之長釋例土地名曰魏河東北駘在武功岐在美陽孔穎達曰今案其地芮在魏之西南百餘里耳岐在駘之西北無百里也詩稱后稷封邠與岐畢相近為之長可矣計魏在邠東六百

餘里而令邵國與魏為長道路太遙公劉居豳又在岐西北四百餘里此傳極言遠竟而辭不及豳並不解其故余謂穎達每好依阿康成元凱莫敢是正茲獨上攻及傳之正文殊可喜也宜亟標出之但云豳距岐四百餘里四當作二

地理通釋周都世紀周后稷始封邵今扶風釐是也

地理志右扶風釐縣后稷所封括地志故釐城一名武功城在雍州京兆府武功縣西南二十二里古邵國有后稷及姜嫄祠及公劉徙邑於豳詩稱于豳斯館今新平

漆之東有豳亭是也后稷生不窋周語不窋失其官自竄戎狄之間括地志不窋故

城在慶州弘化縣南三里即不窋在戎狄所居之地也豳州新平縣即漢漆縣詩豳國公劉所邑之地郡

縣志古幽城在邠州三水縣西三十里公劉始都之處通典慶州安化縣尉李城在白馬西川交口亦曰

不密城幽州開元十三年改幽為邠幽故枸邑是地理志右扶風枸邑有幽鄉詩幽國公劉所都枸邑故

城在三水縣東至太王避狄循漆水在鳳翔府普潤北二十五里

志在右扶風漆縣西踰梁山括地志在雍州好時縣西北十八里康成云岐山西南好時縣寧中

屬鳳翔府徙邑於岐山之陽西北岐城舊址是也詩稱率

西水許至於岐下康成云循西水南有周原故始改

號曰周康成云周原在岐山之南詩閟宮曰居岐之陽地理志岐山在右扶風美陽西北中水鄉

周太王所邑括地志故周城一名美陽城在雍州武功縣西北二十五里即太王城也通典美陽縣故城

在武功縣北七里輿地廣記鳳翔府扶風縣岐陽鎮漢美陽縣地周太王邑於岐山之下即此詩所謂居

岐之陽也文王始亦治焉唐岐陽縣元和三年省入扶風郡縣志岐山亦名天柱山在鳳翔府岐山縣東

北十里孟子文王生於岐周王季徙程書序曰維周王季宅程是

也孟子文王卒於畢郢史記正義周書云惟周王季宅郢郢故城在雍州咸陽縣東二十一里周之郢

邑也詩正義周書稱文王在程作程寤程典皇甫謐云文王徙宅於程蓋謂此也地理志右扶風安陵關

駟以為本州之程邑也文王受命徙都於郢在今京兆之西詩

既伐于崇作邑于豐說文鄧文王所都在京兆杜陵西南括地志周豐宮文王

宮也在雍州京兆府鄠縣東三十五里鄭康成云豐邑在豐水之西鎬京在豐水之東徐廣云豐鎬相去

欽定四庫全書

卷一百七

二十五里皆在長安南數十里地理志鄠水出右扶風鄠縣東南通與岐州鳳翔府岐山縣文王徙于岐即此縣也孟子曰文王治岐尚書太傅春子曰文王治岐詩皇矣曰度其鮮原居岐之陽在渭之將鄭氏箋在岐山之南居渭水之側後竟徙都於豐正義云太王初遷已在岐山岐山之陽去舊都不遠豐則岐之東南三百里蘇氏云文王既克密須於是相其高原而徙都焉所謂程邑是與通典周文王作鄠今京兆府長安縣西北靈臺鄉豐武王徙都鎬封文王子上是也殷有桀國在鄠縣界

武王徙都鎬

於鄠恬地

志鎬在雍州西南三十二里瀉水源出長安縣西北瀉池長安志在縣西北十八里通典今長安縣昆明池北鎬陂是也詩宅是鎬京後漢志鎬在京兆上林苑中孟康云長安西南有鎬池水經注鎬水上承鎬池于昆明池北郡縣志周武王宮即鎬京也在長安縣西北十八里自漢武帝穿昆明池于此鎬京遺趾

淪陷焉穆天子傳之于宗周注鎬京也通典周地西
迫戎俗自岐之豐自豐之鎬是西遠戎而東即華也

程氏曰伐商作洛皆步自宗周而往以其事告于豐
廟康有鄩宮之朝康王雖仍都鎬其受朝仍在豐地

及伐紂營洛邑而定鼎焉今洛陽西南洛水之北有

鼎中觀是也

史記周紀王曰自洛汭延于伊汭居易
毋固其有夏之居我南望三塗北望嶽

鄩顧詹有河粵陽雖伊母遠天室營周居于雒邑而
後去太史公曰學者皆稱周伐紂居洛邑綜其實不

然武王營之成王使召公卜居居九鼎焉而周復都
豐鎬周書度邑曰武王問太公曰吾將固有夏之居

南望過于三塗
北詹望于有河周公相成王以豐鎬偏處西方乃使

召公卜居洛水之陽以即土中遂築新邑營定九

鼎以為王之東都洛邑書我乃卜澗水東瀍水西惟

洛食

注今河南城也

是為王城名曰東周

公羊傳王城者何東周也地理志王

城本郊

郛是地或謂之郊

郛春秋傳成王定鼎于郊

郛河南是也今東門名鼎門蓋九鼎所從入也郊山

名郛邑名桓七年王遷盟向之民于郊

齊人城郊

王城括地志故王城一十二王皆居此

洛陽縣東北二十六里周公所築即成周城也書我

城至敬王乃遷都成周

報王又居王城

洛陽故城在

又卜瀍水東亦惟洛食注今洛陽也將定下都遷殷

頑民故并卜之

周語靈王二十二年穀洛鬪將毀王

宮韋昭曰洛水在王城南穀水在王城北東入于瀍

婁敬曰成王營成周都洛以為天下中諸侯四方納

貢職道里鈞矣

呂氏曰孔子序洛誥曰周公往營成

周則成周乃東都總名河南成周之王城也洛陽成

周則成周乃東都總名河南成周之王城也洛陽成

周則成周乃東都總名河南成周之王城也洛陽成

周則成周乃東都總名河南成周之王城也洛陽成

周則成周乃東都總名河南成周之王城也洛陽成

周則成周乃東都總名河南成周之王城也洛陽成

周之下都也王城非天子時會諸侯則虛之下都則保釐大臣所居治事之地周人朝夕受事習見既久遂獨指以為成周矣通典鄭鄆陌名成王既卜營洛邑建明堂朝諸侯

復還鄆鄆故書序曰還歸在豐宗歸于周至懿王徙犬邱

秦謂之廢邱今京兆槐里是也右世本懿王居犬邱地理志

懿王都之括地志犬邱故城一名慶邱在雍州始平縣東南十里即周懿王所都漢高祖三年更名槐里

今京兆府興平縣秦紀非子居犬邱厲王出於彘今河東永安是也通

縣詩序宣王復會諸侯于東都王氏曰成王于洛時會諸侯而已宣王時會諸侯于東都而車攻謂之復

古平王徙居洛洛語所謂新邑也呂氏曰平王定都

東西長而南北短短長相覆為千里至襄王以河內賜晉文公又為諸侯所侵故其分陞小郛國志河南周公所城洛邑也春秋時謂之王城東城門名鼎門北城門名乾祭法傳物記王城方七百二十丈郭方七十里南望雒水北至陝及敬王避子朝之亂東居山地道記去雒城四十里

成周

子朝居王城曰西王敬王居狄泉在王城之東曰東王

春秋曰天王入于

成周

後六年王室定遂徙都成周晉率諸侯之徒修繕其城以成周城小不受王都故壞翟泉以廣

馬翟泉地在成周東北郡國志雒陽周時號成周有狄泉在城中注擊虞曰古之周南今之雒陽世紀曰

城東西六里十一步南北九里一百步通典狄泉在今洛陽城東三十餘里呂氏曰洛都雖有二城而成

周則其總名杜預孔穎達皆以下都為成周謂敬王繼子朝亂自王城徙都之其說不然大可以包小小

不可包大苟成周信為下都之名則凡書之言洛皆謂之成周是以下都之名而包王城其不可信一也

左氏未嘗有敬王自王城遷成周之明文第言子朝既逐王入于成周而已敬王請城成周之辭亦謂成

王合諸侯城成周以為東都則成周者洛邑之總名明矣其不可信二也至赧王又徙居

西周

呂氏曰平王東遷之後所謂西周者豐鎬也東周者東都也威烈王之後所謂西周者河南也

東都者洛陽也周紀考王封其弟于河南是為桓公以續周公之官職惠公封其少子于鞏以奉王號東

周惠公注於是有東西二周世本西周桓公揭居河南東周惠公班居洛陽赧王時東西周分治西周河

南也東周鞏也趙世家成侯八年與韓分周以為兩徐廣曰顯王二年周紀無此呂氏曰東西周各為列

國不復相闕自是而後稱東西周君者皆謂二周若也本紀云赧王時東西周分治非也赧王持徙都西

周耳當以趙世家為正

白虎通夏曰夏邑殷曰商邑周曰京師

詩公劉京師之野朱文公曰京師高丘而衆居之也董氏曰所謂京師者起於此其後世因以所都為京師曰嬪于京依其在京則岐周之京也王配于京則鎬京也春秋所書京師則洛邑也皆仍其本號而稱之猶晉之云新絳故絳也洛邑亦謂之洛師正京師之意也林氏曰岐在郿西北無百里幽又在岐西北四百餘里豐在岐山東南二百餘里鎬在豐東二十五里方氏曰豐鎬宗廟所在故謂之宗周洛邑以王道成於此故謂之成周

都邑考后稷始封郿今陝西西安府乾州武功縣西南二十里集城是公劉遷幽今西安府邠州三水縣西三十里古豳城是太王居岐今鳳翔府扶風縣西北岐陽鎮是南有周原始號曰周王季宅程亦曰郿

今西安府咸陽縣東二十一里安陵城是文王遷豐
今西安府附郭長安縣西北靈臺鄉豐水上武王徙
都鎬今長安縣西北十八里昆明池北鎬陂是鄭康
成曰豐邑在豐水西鎬京在豐水東相去蓋二十五
里成王營洛邑名曰東周今河南府治是至懿王徙
犬邱今西安府興平縣東南十里槐里城是平王避
天戎之難東遷
于洛即洛邑也

右周職方

顧氏棟高春秋大事表周都洛邑王城

今河南府洛陽縣城內西

偏即王城故趾周公營洛邑澗水東渥水西南繫乎
洛水北因乎邾山自平王東遷至景王十一世皆居
此敬王遷成周王城
邾鄆即邾山北邾山也在洛陽
廢至赧王復居之
縣城北二里亦謂之邾桓

七年遷盟向之民于邲杜註邲王城知邲鄆即王城之別名矣遷於成周在今河南府洛陽縣

城東二十里周公營王城并營下都處殷頑民在瀝水之東與王城相去十八里亦謂之成周昭二十六

年子朝奔楚其餘黨多在王城敬王畏之徙邲成周成周狄小乃請諸侯城之自是迄春秋之末凡書京

師者皆指成周翟泉杜註城內太倉西南池水也鄭氏曰狄泉本在下都城北城成周時乃繞翟泉

于城內昭二十三年天王居于狄泉二十六年始入于成周此時狄泉與成周猶為兩地周邑

鄆隱十一年王取鄆劉蕢邲之田於鄭杜註鄆邑河南緱氏縣西南有鄆聚今在河南府偃師縣西南

劉杜註劉邑緱氏縣西北有劉亭後漢書周大夫劉子邑也今在偃師縣劉子始封為匡王少子劉康

公為東周大夫子國之邲在今懷慶府城北三十里有邲臺村後地屬晉溫

王與鄭人蘇忿生之田溫原締樊隰郛攢茅向盟州
陞賁懷在今懷慶府溫縣西南三十里後襄王更以
賜晉晉以狐原今懷慶府濟原縣西北有原鄉
漆為溫大夫後賜晉晉以趙衰為原大夫締懷
慶府河內縣西三樊一名陽樊今懷慶府濟源縣東
十二里有故絺城樊南二十里有古陽城東遷後仲
山甫子孫所封莊二十九年樊皮叛王隰郛今懷慶
即此後賜晉晉以予陽處父為食邑王隰郛今懷慶
三十里有期城即其地一名隰城僖攢茅今懷慶府
公二十五年穀太叔于隰城即此脩武縣西
北二十里向今懷慶府濟源盟今懷慶府孟縣西南
有攢城縣西南有向城盟三十里有古河陽城
武王合諸侯于孟津即此地後歸晉謂之州在今懷
河陽僖二十八年天王狩于河陽是也州慶府東
南三十里後屬晉初為卻稱邑後為樂豹邑昭三年
晉人以賜鄭豐施七年子產歸州田于韓宣子宣子

更以賜宋樂大心
後宣子自徙居之
陘
即太行陘在今懷慶府西北三十里連山中斷曰陘太行首始

河內北至幽州中
有八陘此其一也
隋
在懷慶府北懷
今懷慶府武陟縣

城後屬晉宣六年亦
狄伐晉國懷即此
酒泉
莊二十一年王與虢公酒

府澄城縣有甘泉出
中造酒尤美名曰酒泉
甘
傳二十四年甘昭公有

食邑河南縣西南有
有故甘城今俱在河南府洛陽縣西南
毛
狄伐周獲

毛伯果邑在今河
南府宜陽縣界
鄩田
成十一年鄩至與周爭鄩田

人亭在今懷慶
府武陟縣界
要錢
昭二十二年子朝帥要錢之甲

畛水出新安縣青要山
唐書河南郡諸府有錢濟
揚
劉子齊揚杜註周邑路

宣王于尚文所封今山西平陽府洪洞縣東有揚城
案傳云壬戌劉子奔揚癸亥如劉劉為今偃師縣劉

亭決日即至其地當不出百里外山西洪洞距偃師
絕速且地已屬晉決當為僖十年揚距泉臬之揚而

非山西之
揚侯國也
前城
王師敗績于前城杜注子朝所得邑
服虔曰前讀為泉即泉戎地在伊關

南京相璠曰在今洛陽
西南五十里伊關外
解
王師軍于汜于解于任人
杜註王師分在三邑汜即

鄭州汜水縣本鄭地王時駐軍于此解有大解小解
後漢書大解城在今洛陽縣南小解城在縣西南也

任人
鄆
昭二十三年郊鄆潰杜注郊鄆二邑皆子朝
地關鄆所得括地志故鄆城在河南府鞏縣西南五

十八里史記塞什谷
之口徐廣曰即鄆邑
澤邑
王師在澤邑賈
達曰即翟泉
墻人
劉子

人直人路史曰今河南府
新安縣東北有白墻村
直人
杜註子朝邑
尹
王尹

杜註尹氏邑今山西汾州唐尹辛敗劉師于唐杜註有尹吉甫墓即古尹城周邑後漢志有唐聚在

今河南府鞏縣昭二十五年尹文公涉于鞏杜註于鞏洛陽縣鞏縣涉洛水周鞏伯邑即今鞏縣後西周

惠公封少子班于此為東周荏谷昭二十六年王次今縣西南三十里有鞏王城荏谷于荏谷于胥靡于

滑杜註皆周邑荏谷杜註本鄭邑今河南府偃師谷在洛陽縣東胥靡縣東南四十里有胥靡城

滑杜註本鄭邑今偃師縣南緱氏故城即古滑地高氏曰滑本國名秦滅之而不能有為晉所得然其

地近鄭在所必爭成十七年鄭人所以侵晉虛滑也是時則歸王室逮定六年鄭伐周馮滑胥靡此鄭人

爭滑之莒陰忌奔莒杜註周邑按莒國之外又有三莒周莒齊莒魯莒父此周莒也其地未詳

馮定六年鄭伐馮滑胥靡負黍孤人闕外杜註周邑東觀記曰魏之別封曰華侯華侯孫長卿食采于

馮城杜註周邑陽城西南有負
即此負黍黍亭在今河南府登封縣狐人杜註周邑後漢志顧

陰縣有狐宗鄉古狐人亭闕外杜註周邑即伊闕外

洛陽縣南穀城定八年單于伐穀城單于伐簡城劉

府洛陽縣西北水經簡城杜註周邑周有簡師孟杜註

周邑今懷慶府河南縣西周地伊川僖二十二年

杜注周地今為坎飲僖二十四年王遂出及坎飲杜

邠垂文十七年廿獸敗戎于邠垂杜註垂溴梁襄十

會于溴梁爾雅梁莫大于溴梁溴梁水堤也輶輶二

十一年使候出諸輟輟杜註輟輟關
名在今河南府鞏縣西南七十里
雒汭 昭元年趙

汭水經注洛水入河之處亦名什谷張儀謂下兵三
川塞什谷之口是也在今河南府鞏縣界三十里

賴 昭元年景王使劉定公勞趙孟于賴九年晉梁丙
張趯率陰戎伐賴杜註賴水出陽城縣方輿紀要

云陽城廢縣本周之賴邑在今河南府登封縣東南
四十里戰國時屬鄭謂之陽城後入韓秦亦為陽城

縣陳勝 陽城人 甘鹿 昭十七年陸渾衆奔甘鹿杜註周地今
陽城人 甘鹿 昭十七年陸渾衆奔甘鹿杜註周地今

榮錡氏 昭二十二年王崩于榮錡氏杜註河南鞏縣
西有榮錡澗方輿紀要括地志在縣西澗蓋

在邑 皇 二十二年王猛居于皇杜註河南鞏縣
西南有黃亭今在河南府鞏縣西北 東園

單氏伐東園路史周地 社 前城人敗陸渾于社杜註
杜註洛東面有園鄉 社 周地黃河西自偃師界至

鞏縣洛水入之有五社渡又有五社津光武陰晉籍
 幸懷遣耿弇等軍五社津備滎陽以東即此陰談軍

晉籍談軍

于陰漢平陰縣地今荀躒軍于侯氏杜注周
為河南府孟津縣治侯氏即緱氏今河南府偃師縣

周地
師縣

東南二十里
有廢緱氏城
谿泉
賈辛軍于谿泉社
註
平陰
昭二十
三年晉

二十
年

師在平陰即陰漢單子取訾路史曰訾有二西訾
為平陰縣地見前此言在洛東訾在鞏此蓋西訾也二

西
也
二

十四年河津人得子朝用于河之寶珪陰不佞拘之王定而獻與之東訾二十七年尹文公焚東訾始為

肇縣之訾杜氏混而一尹辛攻蒯杜注河南縣西
之則傳文東字為贅矣蒯南蒯鄉今在河南府洛陽

縣西尸氏尸鄉在河南府偃師縣西三十里田橫自

劉渠劉子以王出次于渠杜註周地即陽渠也周公所鑿在河南鞏縣西通洛陽堤上遂

圉渾次丁堤上杜註周地漢書河決酸棗東潰金隄
寨宇記金堤在洛陽縣西南二十三里時漢興末四

十年河道始決金堤係三代
時物明矣所云堤上疑即此

周山川輶轅

渠二十一年使

候出諸輶轅杜註輶轅闕在緱氏縣西南輶轅山名
在今河南府鞏縣西南七十里其坂有十二曲將去

復還闕塞

昭二十六年晉知蹤趙鞅納王使女寬守
闕塞杜註洛陽西南伊闕口也闕塞山在

今河南府治洛陽縣城南三十里一名龍門山一名
伊闕一名闕口志云山之東曰香山西曰龍門大禹

疏以通水兩山對峙石壁峭立望
之若闕伊水歷其間故名伊闕北山昭二十二年
王曰于北山

杜註北芒也一名邙山北邙山在今河南府治洛陽
縣城北十里山連偃師孟津鞏三縣綿亘四百里在

城之北故曰北山一名邙山成王定鼎于邙邙即此
亦謂之邙王城之別名桓七年遷盟向之民于邙棗

二十四年齊人城邾杜註皆云邾王城也今府城西有邾郿陌亦曰邾山亦曰邾山東漢諸陵及唐宋諸

名臣墓

三塗

昭四年傳四嶽三塗陽城太室九州之險杜註三塗在河南陸渾縣南三塗山

在今河南府嵩縣南水經注曰伊水歷崖口山翼崖深高壁立如闕伊水穿峽北流即古三塗山武王所

謂南望三塗是也金志嵩縣有三塗山服虔以三塗為道觀春秋晉伐陸渾有事于三塗即知是山明矣

陽城

杜註在陽城縣北陽城山在今河南府登封縣北三十八里志云城中有測景臺周公定此地

為王中立圭測

太室

杜註在陽城縣西南太室山在今河南府登封縣北十里漢志

武帝置崇高縣以奉太室是謂中嶽詩譜即外方山也嵩山三十六峯東曰太室西曰少室嵩高其總名

施谷

昭二十六年王城戰于施谷

崔谷

丁丑王次于崔谷按大谷在今洛陽縣東後漢

書孫堅進軍大谷距洛九十里其谷連亘至潁陽縣何進設八關大谷其一也周之霍谷施谷蓋皆大谷

之支河昭二十四年王子朝用成周之寶珪于河大徑河經河南府洛陽縣北境禹貢東過洛汭正

當王城之東北故子朝洛水昭元年趙孟館于洛汭用珪于河以求福也社註洛水在鞏縣南水

曲流為汭雖汭在今河南府鞏縣東北三十里後漢書鞏縣注夏太康五弟僕于洛之汭即此水經注洛

水入河之處清濁異流亦名什谷隋于此置洛口倉以洛水東逕洛汭北對琅邪渚入河謂之洛口伊

水舊二十二年辛有適伊川伊源有二水經注伊水出南陽蔓渠山逕陸渾縣三塗山東注號略其地

即辛有過伊川見被髮而野祭處後漢書則云伊水出盧氏近志因謂之伊川出盧氏閭頰嶺東流經嵩

縣洛陽偃師入洛水蓋原有穀水襄二十四年傳注二水合流諸家各言所見耳穀水穀洛關毀王宮穀

水在今河南府洛陽縣王城北門外昭二十四年士
景伯立于乾祭社註乾祭王城北門水經注穀水又

東繞乾門北子朝之亂晉所開也其東即十
金竭又東為東谷水水之西北即金墉城 湟水 昭

十二年王猛居于皇杜注河南鞏縣西南有黃亭按
後漢志湟水即皇也水經注雒水合于谿泉又東濁

水注之即古湟水京相璠曰黃亭
在訾城北三里今在鞏縣西北 溴水 襄十六年會

溴水出河內軹縣東南至溫入河案爾雅梁莫大
溴梁溴梁水隄也溴水濟出懷慶府濟源縣西北俗

呼白 翟泉 昭二十二年天王居狄泉亦曰翟杜註洛
澗水 陽城內大倉西南池水也案敬王初居狄

泉時尚在城外至昭公三十二年合諸侯于狄泉
以其地大成周之城乃繞狄泉于城內今乾無水 酒

泉 莊二十一年王與虢公酒泉杜註周邑今陝西同
州府澄城縣有溫泉西注于洛又有甘泉出匱谷


中造酒尤佳名曰酒泉蓋平陰昭二十二年晉師在

陰古為津濟處陳平降漢王使驂乘監諸將南渡平

陰津至洛陽是也後置平陰縣以縣在平津大河之

間故名魏晉改曰河陰縣唐改曰河清縣至金移治

于河南府改曰孟津縣即今河南府之孟津縣治也



右春秋周都邑山川

五禮通考卷二百七